

續資治通鑑

續資治通鑑卷第二

遼王宗幹高世宗孫也其祖是繼繼胡北胡皇始有移新羅國世基平整都其元集

宋紀二

起重光作噩正月盡元  
熙開茂十二月凡二年

太祖啟運立極英武睿文神德聖功至明大孝皇

帝

建隆二年

遼應歷  
十一年

春正月丙申朔御崇元殿受朝退羣

臣詣皇太后宮門稱賀 壬寅幸新造船務觀習水戰

戊申太僕少卿王承哲坐舉官失實責授殿中丞

己酉帝御明德門觀燈宴從臣南唐吳越使皆與焉

壬子商州鼠食苗詔免其賦 周顯德末遣官度民田

多爲民所訴至是帝謂宰臣曰度田本欲勤恤下民近  
多邀功滋弊當慎選其人以副朕意丁巳分遣常參官  
詣諸州度民田 詔浚蔡渠通淮右之漕也命右領軍

衛上將軍陳承昭督其役

後改爲惠民河

己未遣郭玘饗周

廟 甲子斬澤州刺史張崇詒以其黨李重進也 監

修王溥等上唐會要一百卷詔藏史館 遣使賜吳越

王戰馬橐駝 二月丙寅幸飛山軍營閱礮車 遼主

釋趙王喜袞於獄喜袞雄偉善騎射性輕僇無恆謀反

有迹遼主以親釋之未幾復謀反仍下獄 南唐主定

計遷都南昌立吳王從嘉爲太子畱金陵監國以右僕

射嚴續知樞密院事湯悅佐之舟行過當塗大宴至宋

家決暴風飄御艦幾至北岸翌日從官皆乘輕舟奔問

攷異南唐遷都自因疆土蹙弱陸游南唐書云元宗燕居夢宋齊邱爲厲叱之不遑遂遷南都此本於江南餘

載俗說傳訛殊不足信王申命給事中范陽劉載濬五丈渠攷異

宋史作五丈通東方之漕帝謂侍臣曰煩民奉已之事

朕必不爲開導溝洫以濟京邑蓋不獲已耳後改爲廣濟河

癸酉權知貢舉竇儀奏進士張去華等合格者十一人

荆南高休助進黃金什器丁丑南唐主遣使來賀

長春節己卯命通事舍人王守貞使江南勞南唐主遷

都先是藩鎮率遣親吏視民租入槩量增溢公取餘

義符彥卿在天雄軍取民尤悉帝于是遣常參官分主其事乃出公粟賜彥卿以餽其心 禁民二月至九月無得采捕彈射著爲令 令文武官及百姓自今長春節及它慶賀不得輒有貢獻 三月南唐主至南昌城邑迫隘官府營解十不容一二力役雖煩無所施巧羣臣日夜思歸南唐主北望金陵鬱鬱不樂欲誅始謀者澄心堂承旨秦承裕常引屏風障之樞密副使給事中唐鎬慚懼發瘍卒

後黑江南野史云嗣主怒鎬阿旨欲真極法鎬懼誅縊死五代史記長編

云發病卒今從南唐書

丙申內酒坊火坊與三司接火作之夕

役夫突入省署盜官物帝以酒坊使左承規等縱其爲

盜斬役夫三十人承規等皆棄市 辛亥以雄武節

度使兼中書令太原郡王王景爲鳳翔節度使充西面

沿邊都部署景起兵伍性謙退每朝廷使至雖卑位皆

盡禮或言王位崇不宐過自損抑景曰人臣重君命固

當如此我惟恐不謹耳至是自秦州來朝帝優待之宴

賜加等復遣鎮鳳翔 北漢侵麟州防禦使楊重勳擊

走之重勳本名重訓避周帝諱改今名 遼司徒烏哩

質舊作烏里尺今改子迭喇格舊作迭刺哥今改誣告其父謀反復詐

乘傳及殺行人以其父請杖而釋之攷異遼史穆宗紀書此事以辛亥繫

二月案二月無辛亥蓋史脫三月字也今從徐氏後編 癸亥帝步自明德門幸

作坊宴射酒酣顧前鳳翔節度使臨清王彥超曰卿曩在復州朕往依卿卿何不納我彥超降階頓首曰當時臣一刺史耳勺水豈可容神龍乎使臣納陛下陛下安有今日帝大笑而罷閏月甲子朔彥超上表待罪帝遣使慰撫之因謂侍臣曰沈湎於酒何以爲人朕或因宴

會至醉經宿未嘗不悔也侍臣皆再拜

政選宋史太祖紀云閏三月幸

王津園謂侍臣曰沈湎非令儀朕宴偶醉恆悔之案幸王津園在己巳相去數日必王彥超事誤移于下耳李蓋亦曰本紀及舊錄皆于閏月甲子初一日也與癸亥實相接蓋因王彥超上表待罪故云

殿前

都點檢鎮寧軍節度使慕容延釗爲山南西道節度使侍衛親軍都指揮使韓令坤罷爲成德節度使自是殿

前都點檢遂不復除授 遼主如潢河 丁丑金商房  
三州民饑遣使賑之 是春令長吏課民種植每縣定  
民籍爲五等第一種雜木百畝歲減二十爲差桑棗半  
之男女十歲以上人種韭一畦闊一步長十步無井者  
鄰伍爲鑿之令佐以春秋巡視其數秩滿赴調有司第  
其課而爲之殿最又詔自今民有逃亡者本州具戶籍  
頃畝以聞卽檢視之勿使親鄰代輸其租 夏四月癸  
巳朔日有食之 甲午詔檢田使給事中常準奪兩官  
先是館陶民郭贊詣闕訴檢田不均詔令它縣官案視  
所隱頃畝皆實帝怒責準本縣令程迪決杖流海島

王寅詔先代帝王陵寢令所屬州府遣近戶守視前賢  
冢墓陸壤者卽加修葺 己未商河縣令李瑤坐賊杖

死左贊善大夫申文緯奉使案田不能舉察除籍帝淡  
惡賊吏以後內外官賊罪多至棄市 漢初犯私麴者

棄市周令至五斤死帝以其法尙峻庚申詔民犯私麴  
十五斤以私酒入城至三斗者始處極典其餘罪有差

攷異長編繫以王申日案  
四月無壬申今從本紀

又以前朝鹽法太峻定令官

鹽闌入禁地賈易至十斤煮鹽至三斤者乃坐死民所

受蠶鹽入城市三十斤以上者奏裁

攷異李燾云太宗  
實錄先是官貨鹽

于民蠶事既畢卽以絲絹償官謂之蠶鹽令民從夏秋  
賦稅償其直倉貨志云唐有蠶鹽皆賦于民隨夏稅收

錢綱與實  
錄少異

是月遼主射鹿不視朝 五月癸亥朔帝

御崇元殿受朝以皇太后疾赦雜犯死罪以下 乙丑

詔司天少監洛陽王處訥等重覈欽天歷先是欽天歷  
成處訥私謂王朴曰此歷不久卽差亦指其當差處以  
示朴朴淡然之 初周世宗命國子司業兼太常博士  
洛陽聶崇義詳定郊廟禮器崇義因取三禮舊圖攷正  
同異列爲新圖二十卷至是來上詔加褒賞仍命太子  
詹事汝陰尹拙集儒臣參議拙多所駁難崇義復引經  
解釋乃悉以下工部尙書竇儀裁處至當頒行 甲戌  
令殿前侍衛司及諸州長吏閱所部兵驍勇者升其籍

老弱怯懦者去之初置剩員以處退兵 乙亥遼司天  
王白李正等進歷先是晉天福中司天監馬重績奏上  
乙未元歷號調元歷及太宗滅晉入汴收百司僚屬技  
術歷象遷於中京遼始有歷白等所進卽調元歷也白  
薊州人明天文善卜筮晉司天少監太宗入汴得之  
丁丑詔以安邑解縣兩池鹽給徐宿鄆濟之民先是數  
郡皆食海鹽沂流而上其費倍多故釐革之 己卯罷  
常參官序遷法舊制皆以歲月序遷帝謂宰相曰是非  
循名責實之道會監門衛將軍魏仁滌等治市征有羨  
利竝詔增秩自是不以序遷矣 庚寅供奉官李繼昭

坐盜賣官船棄市 詔諸州勿復調民給傳置悉代以  
軍卒 五代以來州郡牧守多武人任獄吏恣意用法  
時金州民有馬漢惠者殺人無賴閭里患之其父母及  
弟共殺漢惠防禦使仇超判官左扶悉案誅之帝怒超  
等持法淡刻竝除名流扶海島自是人知奉法 六月  
甲午皇太后杜氏崩于滋德殿后聰明有智度每與帝  
參決大政猶呼趙普爲書記嘗勞撫之曰趙書記且爲  
盡心吾兒未更事也尤愛光義每出輒戒之曰必與趙  
書記偕行疾革召普入受遺命后問帝曰汝自知所以  
得天下乎帝嗚咽不能對后曰吾方語汝以大事而但

哭邪問之如初帝曰此皆祖考及太后餘慶也后曰不

然正由柴氏使幼兒主天下羣心不附故耳汝與光義

皆吾所生汝後當傳位汝弟四海至廣能立長君社稷

之福也帝頓首泣曰敢不如太后教因謂普曰汝同記

吾言不可違也

及異寶牖開評云觀建隆遺事載立晉王一節皆太祖之心初非出於杜太后

也案事略載太后遺言甚詳與長編同建隆遺事不足為據普即就榻前為誓書於

紙尾署曰臣普記藏之金匱命謹密宮人掌之

及異本記開

稱太后欲傳立二弟其意謂太宗及秦王廷美也李燾曰太后以周鄭王幼羣情不附故令太祖授天下於太宗太宗當是時年二十三矣太祖母弟也若並及廷美則無謂廷美當是時纔十四歲而太祖之子魏王德昭亦十歲其齒蓋不甚相遠也舍嫡孫而立庶子人情始不然然則太后顧命獨指太宗記聞誤也正史新錄

太宗亦入受顧命而記聞不載今從記聞案太宗初疑  
趙普有異論及普上章自訴且發金匱得普所書乃釋  
然若同于牀下受顧命則親見普書矣又何俟普上書  
自訴且發金匱乎太宗實錄載普自訴章其詞略與記  
聞同當顧命時太宗實不在旁也正史新錄別加刪修  
遂失事實耳今案王宗沐薛應旂續通鑑據建隆遺事  
謂太后欲傳位太宗廷美以及德昭獨李燾長編據杜  
后立長君之命謂其時廷美德昭年尚少無緣卽有遞  
相傳代之語則金匱誓書不及廷美於情理固屬可信  
其以廷美爲庶弟非后所生則出於太宗之口欲以末  
減其推刃母弟之惡而燾亦曲筆證成之殊  
非信以傳信之義今不取辨見雍熙元年

己亥羣

臣請聽政從之庚子以太后喪權停時享辛丑見百官

於紫宸殿庚申帝釋服 是日南唐主景昶先期自書

遺令畱葬南都之西山累土數尺爲墳且曰違吾言非

忠臣孝子南唐主多材藝好讀書在位慈儉有君人之

度然自附爲唐室苗裔詠於斤大境土之說及福州湖南再喪師知攻取之難始議弭兵務農嘗曰兵可終身

不用會周師大舉寄任多非其人折北不支至于蹙國

降號憂悔而殂

預異南唐主之殂宋史作八月甲辰東都事略作八月庚子皆誤今從南唐書

壬戌以太后殯不受朝先是遼南京畱守蕭思溫

以老人星見乞行赦宥遼主許之草赦旣成畱數月不

出翰林學士河閒劉景曰唐制赦書日行五百里今稽

期弗發非也遼主亦不報至是月始赦秋七月南唐

主喪歸金陵

預異王舉大定錄景喪歸在七月南唐書則云八月至金陵長編以大定錄爲據今

從有司議梓宮不宜復入大內太子從嘉不可乃殯於

正寢從嘉卽位改名煜尊母鍾氏爲太后后父名泰章  
易其號曰聖尊后立妃周氏爲國后大赦境內罷諸道  
屯田務歸本州縣先是南唐主用尙書員外郎李德明  
議興復曠土爲屯田以廣兵食所使典掌者多非其人  
侵擾州縣豪奪民利大爲時患至是悉罷使職委所屬  
縣令佐與常賦俱徵隨所租入十分賜一以爲祿廩民  
稍休息 初帝旣克李筠及李重進一日召趙普問曰  
自唐季以來數十年帝王凡易八姓戰鬪不息生民塗  
地其故何也吾欲息天下之兵爲國家計長久其道何  
如普曰陛下言及此天地人神之福也此非它故方鎮

太重君弱臣彊而已今欲治之惟稍奪其權制其錢糧收其精兵則天下自安矣時石守信王審琦皆帝故人各典禁衛普數言於帝請授以它職帝曰彼等必不吾叛卿何憂普曰臣亦不憂其叛也然熟觀數人者皆非統御才恐不能制伏其下萬一軍伍作孽彼亦不得自由耳帝悟於是召守信等飲酒酣屏左右謂曰我非爾曹力不及此然天子亦大艱難殊不若爲節度使之樂吾終夕未嘗高枕臥也守信等請其故帝曰是不難知居此位者誰不欲爲之守信等頓首曰陛下何爲出此言今天下已定誰敢復有異心帝曰卿等固然設麾下

有欲富貴者一旦以黃袍加汝身汝雖欲不爲其可得乎守信等頓首涕泣曰臣等愚不及此惟陛下哀矜指示可生之途帝曰人生如白駒過隙所爲好富貴者不過欲多積金錢厚自娛樂使子孫無貧乏耳卿等何不釋去兵權出守大藩擇便好田宅市之爲子孫立永遠之業多致歌兒舞女日飲酒相歡以終其天年朕且與卿等約爲婚姻君臣之間兩無猜疑上下相安不亦善乎皆拜謝曰陛下念臣等至此所謂生死而肉骨也明日皆稱疾請罷帝從之賞賚甚厚庚午以石守信爲天平節度使高懷德爲歸德節度使王審琦爲忠正節度

使張令鐸爲鎮寧節度使皆罷軍職獨守信兼侍衛指

揮使如故其實兵權不在也殿前副點檢自是亦不復

除云

致異聞見近錄云太祖卽位方鎮多偃蹇所謂十

騎與上私出固子門大林中下馬酌酒上語方鎮曰此

處無人爾輩要作官家者可殺我而爲之方鎮伏地戰

恐上再三喻之伏地不敢對上曰爾輩旣欲我爲主爾輩當

邪方鎮皆再拜稱萬歲上曰爾輩旣欲我爲主爾輩當

盡臣節今後毋或偃蹇方鎮復再拜呼萬歲與飲盡醉

而歸案此因解諸將兵權而傳聞之誤宋祖雖猜忌功

臣不應爲此嘗試也凍水記聞云守信皆以散官就第

李燕祥之云太祖與趙普意但不欲守信等典軍耳豈

不令守信等各居方鎮也太祖云爲天子不若爲節度

使樂是欲守信等出爲節度使也及開寶三年冬十月

乃罷王彥超等節度使益記聞誤并二事爲一耳邵伯

溫見聞錄又云王審琦坐擅入禁中救火故罷不知同

時罷者凡四人初不緣

人禁中救火也今不取

王申以光義行開封尹同平

章事廷美爲山南西道節度使

攷異宋史東都事略薛氏王氏通鑑皆作王中

惟李燕長編作王中今從王中

先是范質奏疏言光義廷美皆品位未

崇典禮猶闕乞竝加封冊或列於公台或委之方鎮皇

子皇女雖襁褓者乞下有司許行恩制故有是命質又

言宰相者以舉賢爲職以掩善爲不忠竊見端明殿學

士呂餘慶樞密副使趙普精通治道經事霸府歷年滋

茂皆公忠可倚任乞授以台司俾申大用帝嘉納之

是月陳承昭塞棧滑決河役成賜錢三十萬 吳越自

五月不雨至七月 八月甲辰唐桂陽郡公徐邈奉其

主景遺表來上嗣主煜請追復帝號許之旋諡景爲明

道崇德文宣孝皇帝廟號元宗 義武節度使同平章  
事清苑孫行友代兄方簡鎮易定逾八年而狼山妖尼  
淺意黨益盛帝初卽位行友不自安累表乞解官歸山  
帝不許行友懼乃繕治甲兵將棄其孥還據山寨以叛  
兵馬都監藥繼能密表其事帝遣閤門使武懷節馳騎  
會鎮趙之兵僞稱巡邊直入定州行友不之覺旣而出  
詔示之令舉族歸朝行友倉皇聽命旣至命侍御史李  
維岳卽訊得實己酉制削奪行友官爵禁錮私第取淺  
意尸焚之都城西北隅 女真國遣使貢名馬女真之  
先居古肅慎地元魏時號勿吉至隋改號靺鞨唐初有

黑水粟末兩部後粟末盛彊號渤海國黑水因役屬之  
五代時遼盡取渤海之地黑水部民居混同江之南者  
繫籍於遼號熟女真居江之北者不繫籍於遼號生女  
真至是以馬入貢詔調登州沙門島居民租賦令專治  
舟船渡所貢馬 詔緣遼諸寨有犯大辟者送所屬州

軍鞠之無得輒斬

攷異宋史在王寅日今從長編

國子博士洛陽郭

忠恕被酒與太子中舍符昭文喧競於朝堂御史彈奏  
忠恕叱臺吏奪其奏毀之己未責忠恕乾州司戶參軍  
昭文免所居官 庚申周世宗實錄成四十卷賜監修  
國史王溥修撰官扈蒙器幣有差 南唐主煜遣中書

侍郎馮謐來進金鉅繒綵謐卽延魯也且表自陳紹襲之意帝優詔以荅初周世宗旣取江北貽書江南如唐與回鶻可汗之式但呼國主而已於是始改書稱詔

九月甲子以高侁助爲荆南節度使侁恣好營造臺榭窮土木之功軍民咸怨記室孫光憲諫不聽遼

諸里

舊作解里今改

來降

高侁遣其弟侁來朝先是侁

融於城北瀦江水七里以閤行者及侁歸諭令決去使道路無阻侁寅還言於侁助曰區宇將一宜首奉土歸朝無爲它人取富貴侁助不聽戊子遣鞍轡庫使梁義如江南弔祭帝召見面賜約束因謂左右曰朕每

遣使四方常諭以謹飭頗聞鮮克由禮遠人何觀焉自  
今出使四方要當審擇其人 詔罷大宴以皇太后喪  
故也 冬十月癸巳南唐主遣戶部侍郎韓熙載太府  
卿曲霖助葬皇太后山陵 丙申命樞密承旨方城王  
仁贍使江南賀南唐主新立 戊戌敕沿邊諸州禁民  
無得出寨侵盜戎馬前所盜者悉令還之 丙午祔葬  
明憲皇太后於安陵 是月命知制誥河南盧多遜看  
詳進策獻書人文字升降以聞 十一月甲子皇太后  
祔廟 己巳幸相國寺遂幸國子監 以思州團練使  
雲中李漢超爲齊州防禦使尋命兼關南兵馬都監漢

超仁關南力修政治吏民愛之 濠楚民饑詔令長吏  
開倉賑貸 西山巡檢使郭進敗北漢軍於汾西獲馬  
牛驢數千計進威令嚴肅帝每遣戍卒必諭之曰汝輩  
謹奉法我猶貸汝郭進殺汝矣嘗有軍校誣訟進不法  
事帝詰知其情送進令殺之會北漢來寇進語其人曰  
汝敢論吾信有膽氣今貰汝罪汝能掩殺敵兵當卽薦  
汝其人踴躍赴戰大捷進具其事送之於朝請賞以官  
帝曰爾誣害我忠良此纔可贖罪耳命以其人還之進  
復請曰使臣失信則不能用人矣帝乃從之 十二月  
乙未昭義節度使李繼勳奏敗北漢軍千餘人斬首百

餘級獲遼州刺史傅廷彥弟勳以獻 代州刺史折仁  
理党項蕃部之大姓也世居河西帝以其有扞邊功召  
令入見復命歸領刺史如故 周廣順初鎮州諸縣十  
戶取才勇者一人爲弓箭手餘九戶資以器甲芻糧是  
歲詔釋之凡一千四百人 始置藏冰務常以孟夏命  
官用幣以黑牲祭元冥之神乃開冰祭於太廟 初南  
漢女巫樊胡子自言玉皇降其身因宦者陳延壽以見  
其主張銀於內殿設幄帳陳寶器胡子冠遠遊衣紫袍  
坐帳中宣禍福呼銀爲太子皇帝國事皆決於胡子內  
太師龔澄樞女侍中盧瓊僊等附之是歲芝菌生宮中

野獸觸寢門苑中羊吐珠井有石自起行百餘步乃仆

胡子以爲符瑞諷羣臣入賀

三年

遼應歷十二年

春正月庚申朔以喪不受朝賀 己巳命

淮南道官吏發倉廩以賑饑民初戶部郎中沈義倫使

吳越歸言揚泗饑民多死郡中軍儲尙百餘萬可貸民

至秋乃收新粟沮之者曰若歲稔饑將無所取償孰執

其咎帝以詰義倫對曰國家以粟粟濟民自宜感召和

氣立致豐稔寧復憂水旱耶帝悅故有是命

沈義倫名犯太宗

偏諱故史稱沈倫李燕曰倫傳不載其年故事稱元年實訓稱二年亦不知的是何日案倫於元年二月壬戌初除戶部郎中四月乙卯受詔分督在京諸倉則使吳越必在督倉以後安得尙指秋粟其稱元年者誤也稱

二年者亦無所證據而此年正月乃有是命疑此卽太祖用倫之言故載於此

甲戌廣皇城

命有司畫洛陽宮殿案圖修治令諸州長吏勸農課桑自後歲首必下此詔 詔州縣不得役僑居民 癸未

幸國子監 丁亥以監察御史劉湛爲膳部郎中湛樵

茶蘄春歲入增倍遷拜越級非舊典也 遼諸王多坐

事繫獄遼主以御史大夫蕭護斯

舊作護思今改

有才幹詔窮

治稱旨二月己丑朔遷護斯爲北院樞密使賜對衣鞍

馬仍命世預宰相選護斯辭曰臣子孫賢否未可知得

一客省使足矣從之遼主嗜酒用刑多濫護斯居要地

斷斷自依未嘗一言匡救議者以是少之 庚寅令翰

林學士文班常參官曾任幕職州縣者各舉堪爲賓佐  
令錄者一人異時貪濁畏懦職事曠廢者舉主坐之  
甲午詔翰林學士文班常參官每五日內殿起居以次  
轉對竝須指陳時政得失朝廷急務刑獄冤濫百姓疾  
苦不得將閒慢事應詔關急切者許非時上章無以觸  
諱爲懼 己亥更定竊盜律賊滿五千足陌者乃處死  
蜀主以秦王元詰爲皇太子令起居前導者皆呼殿  
下母得斥言太子宰相成都李昊疏其不可乃止 壬  
寅帝謂侍臣曰朕欲武臣盡令讀書俾知爲治之道左  
右皆莫對 丁未詔宰相樞密使帶平章事兼侍中中

書令節度使者納禮錢宰相樞密使三百千藩鎮五百  
千充中書門下公用依唐制也 甲寅北漢侵潞晉二  
州守將擊走之 丙辰幸國子監遂幸迎春苑宴從官  
三月戊午朔控鶴右廂都指揮使浚儀尹勳配隸許  
州爲教練使勳督浚五丈渠陳畱丁夫夜潰勳擅斬其  
隊長十餘人又追獲亡者七十餘人皆馘其左耳有詣  
闕伸冤者兵部尙書京兆李濤臥病家居力疾草奏乞  
斬勳以謝百姓濤家人曰公久病宜自愛朝廷事姑置  
之濤憤然曰死者人之常吾豈能免但我掌兵柄軍校  
無辜殺人豈得不論帝覽其奏嘉之然念勳忠勇止薄

賁焉 甲子詔沂州民饑賜以種食 帝謂宰臣曰五

代諸侯跋扈多枉法殺人朝廷置而不問刑部之職幾

廢自今決大辟者錄案問奏委刑部詳覆 丙子權知

貢舉單父王著奏進士馬適等合格者十五人 丁丑

女真來貢 己卯封邱縣令蘇允元坐申雨降不實免

官 丁亥徙北漢降民於邢洺州計口賦粟 禁民火

葬 初泉州節度使畱從效率兄從願之子紹鑑嗣領

軍務未幾衙將臨淮陳洪進誣紹鑑謀附錢氏執送於

南唐推統軍副使張漢思爲畱後

資異五國故事云建隆壬戌歲從效自五

月發疽至於七月不愈中外音問不通羣校頗有異議一日先鋒指揮使王忌名請入省疾而從效危篤乃以

關路之從效死衆立張漢思爲帥宋史從效以疽發背死無所謂以關路之也從效既死其嗣子紹鑑典西務者月餘非卽推漢思爲帥也  
五國故事不足爲據今從長編  
夏四月乙未延寧二

州大雨雪溝洫冰 丙申以趙贊爲彰武節度使別受密旨許便立行事贊將至延州乃分置步騎前後絡繹林莽之中遠見旌旂羌渾迎者莫測其數無不畏服贊延壽子也帝注意謀帥旣命贊屯延州又命董遵誨守環州王彥昇守原州馮繼業鎮靈武以備西夏李漢超屯關南馬仁瑀守瀛州韓令坤鎮常山賀惟忠守易州何繼筠領棧州以拒契丹又以郭進控西山武守琪戍晉州李謙溥守隰州李繼勳鎮昭義以禦太原諸臣家

族在京者撫之甚厚郡中筦榷之利悉與之悉其圖回  
賈易免所過征租由是邊臣皆富於財得以養募死士  
使爲間諜洞知敵情每入邊必能先知預備設伏掩擊  
自此累年無西北之虞得以盡力東南取荆湖川廣吳  
越之地 邢州言北漢民四百餘人來降 己巳贈兄  
光濟爲邕王弟光贊爲夔王追冊會稽郡夫人賀氏爲  
皇后 戊申北漢攻麟州防禦使楊重勳擊走之 定  
難節度使李彝興遣使貢馬三百匹帝方命玉工治帶  
召其使問彝興腹圍幾何使言彝興大腰腹帝曰汝帥  
眞福人卽遣使以帶賜之彝興感服 五月甲子宰相

國寺禱雨時遼亦旱庚午遼主命左右以水相決頃之

果雨 乙亥發潞州民開太行道通魄運 丙子以河

北諸州旱遣使乘傳檢旱苗 甲申復幸相國寺禱雨

乙酉詔撤樂大官進蔬食 是月大治宮闕倣西京制

命殿前都指揮使武安韓重贊董其役 六月癸巳以

樞密使吳廷祚爲雄武節度使知秦州州西北夕陽鎮

古伏羌縣地西北接大藪材植所出戎人久擅其利及

尙書左丞壽陽高防知秦州建議置采造務取其材以

給京師蕃部尙巴約舊作尙波帥眾來爭預異宋史太祖本紀六月

壬子蕃部尙巴約等爭采造務以兵犯渭北知秦州高

防擊走之案是月癸巳以吳廷祚代防如紀所書之日

則防以狀聞擊走在命廷帝不欲遘境生事乃遣廷祚  
祚後二句恐誤今從長編

代之先一日謂之曰卿年高久掌樞務今與卿秦州庶

均勞逸明日制出恐卿以離朕左右不能無憂故先告

卿也 甲午遼主祀木葉山及潢河遼自太祖以前即

天神地祇位於木葉山東鄉中立君樹前植羣樹以像

朝班又偶植二樹以爲神門帝后親致奠焉其後累代

行之以示不忘舊俗先是周世宗之二年始營國子監置學舍

帝既即位即命增葺祠宇塑繪先聖先師之像帝自贊

孔顏命宰臣兩制以下分撰餘贊車駕屢臨幸焉於是

左諫議大夫河南崔頌判監事始聚生徒講書帝聞而

嘉之乙未遣中使徧賜酒果尋又詔用一品禮六十六

戟於文宣王廟門

（攷異李燕曰據實錄本紀及會要太祖以建隆二年十一月始幸國子監

三年正月又幸而祖宗故事乃云元年正月初幸二月再幸因詔增葺祠宇繪塑聖賢其年月與諸書特異今不取若增葺祠宇塑繪聖賢則會要固以爲國初事不緣幸監然後有此詔也故事蓋誤耳

丁酉

右補闕袁鳳坐檢田不實責授曲阜縣令 己亥以旱

故減京畿及河北諸州死罪以下 壬寅京師雨 丁

未命吳廷祚齋詔赴秦州赦尙巴約等罪所繫戎俘並釋遣之遂罷采造務 秋七月己未禁諸州中元張燈

壬戌放南唐降卒弱者數千人歸國 乙丑知舒州

左諫議大夫歷城馮瓚言州界有菰蒲魚鼈之利居民舊以自給前防禦使司超增收爲市征漁奪苛細疲俗

告病宜蠲除其稅從之 文思使常岑子勳詐稱供奉  
官爲泗州長吏所覺捕送闕下乙亥斬勳于東市先是  
雲捷軍士有僞刻侍衛司印信者捕得斬之帝曰諸軍  
比加簡練尙如此不逞邪命搜索悉配沙門島於是姦  
猾斂迹 已卯北漢捉生指揮使路貴來降 辛巳遣  
給事中劉鉞等案行河北旱田詔朝臣出使還日具所  
見民生利病以聞 右衛率府率薛勳掌常盈倉受民  
租槩量重詔免勳官配隸沂州倉吏棄市 八月丙戌  
朔敕大理卿范陽劇可久爲光祿卿致仕可久年踰七  
十無請老意帝特命之 庚寅以鎮海鎮東節度副使

錢惟濬爲建武節度使惟濬吳越王俶子也俶請授以  
嶺南旄鉞帝從之 癸巳蔡河務綱官王訓等四人坐  
以糠土雜粳糧磔於市 是日遣引進使郭永遷會秦  
州吳廷祚率兵往尙書寨驅蕃族歸本部 乙未左拾  
遺知制誥河中高錫上言近廷臣承詔各舉所知或有  
因行賂獲薦者請自今許近親奴婢鄰里告訴加以重  
賞又請注授法官及職官各宜問書法十條以代試判  
皆施行之 九月丙辰朔以昭憲太后之兄杜審瓊爲  
左龍武大將軍其弟審瑩爲左神武大將軍審進爲左  
武衛大將軍竝致仕賜第京師 詔及第舉人不得呼

知舉官爲恩門師門及自稱門生 戊午天平節度使

侍衛馬步軍都指揮使同平章事石守信表解軍職許

之特加爵邑 庚午吐蕃尙巴約獻伏羌縣地 壬申

修武成王廟 癸酉以百官次對章奏下尙書省集丞

郎以上及御史中丞兩省五品以上參詳其有裨政治

者以聞 丙子禁民伐桑聚爲薪又詔黃汴河兩岸每

歲委所在長吏課民多栽榆柳以防河決 癸未復置

書判拔萃科

預選宋史太祖紀于八月乙未卽嘗舉此科今從長編蓋乙未始令有司條奏而施

行固在癸未也

甲申武平節度使兼中書令周行逢疾革召

將吏屬其子侁權曰衡州刺史張文表與吾同起隴畝

以不得行軍司馬志常快快吾死必爲亂當令楊師璠

討之行逢薨保權領軍務時年十一

以九月乙未薨位十國

紀年亦繁之九月而太初實錄乃于十月志李燕長編言卒蓋以奏到之日書也今從紀年九月國志李燕長編言行逢崇信釋氏廣度僧尼齋識不輟每見僧無老少輒拜之捧具執拂親爲盥洗因謂左右曰吾殺人多矣不假佛力何以免其冤乎案五代宋史十國春秋諸書俱不言行逢佞佛惟云保權大會齋僧見被緇之輩雖三尺童子必搶地伏拜

是月遼主如黑山赤山射鹿

冬十月丙戌幸造船務觀習水戰 戊子以棣州團練

使何繼筠爲關南兵馬都監 癸巳班循資格及長定

格編敕格各一卷 己亥幸岳臺命諸軍習騎射 廣

濟縣令李守中坐賊決杖配沙門島 辛丑以樞密副

使兵部侍郎趙普爲檢校太保充樞密使樞密使不帶  
正宮自普始 張文表聞周侂權立怒曰我與行逢俱  
起微賤立功名安能北面事小兒乎會侂權遣兵更戍  
永州路出衡陽文表遂驅以叛僞縞素若將奔喪武陵  
者過潭州時行軍司馬廖簡知畱後素輕文表不爲之  
備方宴飲外白文表兵至簡殊不介意謂四座曰文表  
至則成擒何足慮也飲笑如故俄而文表率眾徑入府  
中簡不能執弓但箕踞大罵遂遇害文表取其印綬自  
稱權畱後具表以聞侂權卽命楊師璠悉眾討文表告  
以先人之言感激泣下師璠亦泣顧謂其眾曰汝見郎

君乎未成人而賢若此軍士皆奮依權又乞師荆南且

來求援文表亦上疏自理張文表攻下潭州在當年十一月而國史周依權傳乃云明年史蓋誤也案實錄十二月甲辰已遣趙凝持詔宣諭文表豈得卻在明年春始飯蓋明年正月文表尚處潭州耳十一月癸亥詔縣令考課以戶口

增減為黜陟甲子大閱於西郊帝謂近臣曰晉漢以

來衛士不下數十萬然可用者極寡朕頃案籍閱之去

其冗弱親校其擊刺騎射之藝今悉為精銳矣南唐

遣水部郎中顧彝來貢唐書無日今從長編刑部

尚書薊人邊歸譙請老授戶部尚書致仕荆南節度

使高係勛寢疾召牙內都指揮使京兆梁延嗣曰我疾

資治通鑑

卷二

三

將不起孰可付後事者延嗣曰先主舍其子繼冲以軍

府付公今繼冲長矣係勛曰子言是也卽以繼冲權判

內外軍馬事甲戌係勛薨後異九國志係勛卒于明年

年十一月二十日長壬午始頒歷於南唐十二月

丙戌左贊善大夫段昭裔坐檢視民田失實責授海州

司法參軍丁亥以武平節度副使權知朗州周係權

爲武平節度使舊制疆盜賊滿十匹者絞庚寅詔改

爲錢三千足陌者處死癸巳詔縣復置尉一員在主

簿下凡盜賊鬪訟先委鎮將者命令與尉領其事自萬

戶至千戶各置弓手有差五代以來節度使補署親隨

爲鎮將與縣令抗禮凡公事專達于州縣吏失職至是

還統于縣鎮將所主不及鄉邨但郭內而已從樞密使

趙普言也

文選宋史太祖紀是月丙戌詔縣置尉一員理盜訟置弓手視縣戶爲差當卽此事而月

不同今從長編

戊戌蒲晉慈隰相衛六州饑詔所在發廩賑

之 庚子班捕盜令給以三隄隄各二十日第一隄內

獲者令尉各減一選獲隄半者減兩選第二隄內獲者

各超一資隄半超兩資第三隄內獲者令尉各加一階

隄半加兩階過三隄不獲尉罰一月俸令半之尉三罰

令四罰皆殿一選三殿停官令尉與賊鬪而盡獲者並

賜緋尉除令仍超兩資令別加升擢 甲辰遣中使趙

璉等齋詔宣諭渾朗聽張文表歸闕且命荆南發兵助

周係權 帝以西鄙羌戎屢爲寇改號州刺史盧龍姚

內斌爲慶州刺史 是歲遷周鄭王於房州及東都事

略九朝編年李燕長編皆云建隆三年出居房州不載

月日惟陳經通鑑續編繫于是年冬十月王葦通鑑皆

因之王岷唐餘錄以爲開 河北陝西京東諸州旱蝗

寶三年自西宮出則誤矣 悉調其租 遼國舅帳郎君蕭延之奴海哩舊作海

陵蘇拉舊作拽圖里舊作禿年未及之女以法無文加

之宮刑仍付圖里以爲奴著爲令 蜀主命官追督四

鎮十六州逋稅龍游令田淳上疏諫曰今甲子欲交陰

陽變動天運人事合有改更如采厚歛之末議必亂經

國之大倫又言四海財貨盡屬至尊百姓足則君莫不足今務奪百姓專贍六軍非本計也蜀主不能用淳謂所親曰吾觀僭僞紛紛改制妃后妻妾卿相僚佐何如常稱成都尹乃無滅族之禍乎或勸淳遜詞抑節以取貴仕淳曰吾安能附狗鼠求進哉蓋指樞密使王昭遠輩也南漢許彥真既殺鍾允章益恣橫惡龔澄樞等居己上頗侵其權澄樞怒會有告彥真與先主李麗妃私通者澄樞發其事彥真懼與其子謀殺澄樞澄樞使人告彥真謀反下獄族誅南漢主納李託二女長爲貴妃次爲美人皆有寵拜託爲內太師政事必先稟託

而後行

續資治通鑑卷第二

續資治通鑑卷第三

趙主益部等處都統有都軍總制湖北湖南等處地方軍務兼總制提舉等職並都軍統制

宋紀三

起昭陽大淵獻正月盡閏  
逢困敦三月凡一年有奇

太祖啟運立極英武睿文神德聖功至明大孝皇

帝

乾德元年

遼應歷  
十三年

春正月甲寅朔不御殿 丁巳發近

甸丁夫數萬修築畿內河隄 戊午遣酒坊副使河間

盧懷忠璫毯使洛陽張勲染院副使康延澤等率步騎

數千人赴襄州延澤福之子也 庚申以山南東道節

度使兼侍中慕容延釗爲湖南道行營都部署樞密副

使李處耘爲都監發兵會襄陽以討張文表先是盧懷  
忠使荆南帝謂曰江陵人情去就山川向背吾盡欲知  
之懷忠使還報曰繼沖控弦之士不過三萬年穀雖登  
民困於暴斂其勢日不暇給取之易耳於是帝召宰相  
范質等謂曰江陵四分五裂之國今假道出師因而下  
之蔑不濟矣遂以成算授處耘等 癸亥命太常卿陽  
曲邊光範權知襄州戶部判官滕白爲南面軍前水陸  
轉運使 乙丑幸造船務觀造戰船 丙寅以張勳爲  
南面行營馬軍都監盧懷忠爲步軍都監 時議城益  
津關遼人知之南京畱守高勳上書請假巡徼擾其境

遠主然其奏命勲及統軍使崔廷勲以兵擾之乃不果

城

丙子詔荆南發水兵三千人赴潭州

攷異宋史作甲戌今從長

編

庚辰以荆南節度副使權知軍府事高繼沖爲荆

南節度使

楊師璠之討張文表也兵稍失利相持既

久文表出戰師璠大敗之遂取潭州執文表初文表聞

宋師來伐潛送款於趙璣具言奔喪朗州爲廖簡所薄

因卽私鬪實無反心璣自以奉詔諭文表得其歸順甚

喜卽遣使撫慰之師璠兵旣入城縱火大掠而璣亦繼

至明日享將吏於庭指揮使高超語其眾曰觀中使之

意必活文表若文表至闕圖害朗州吾輩無遺類矣乃

斬文表於市

攷異宋史云二月壬辰梟文表於朗陵市今從長編

燬其肉及宴罷

璩召文表超曰文表謀爲亂已斬之矣璩太息久之

初命文臣知州事帝懲五代藩鎮彊盛之弊時異姓王及帶相印者不下數十人至是用趙普謀漸削其權或因其卒或因遷徙致仕或遙領它職皆以文臣代之

二月甲申朔翰林學士中書舍人王著責授比部員外郎著不拘細行嘗乘醉宿倡家爲巡吏所執旣知而釋之密以事聞帝置不問於是宿直禁中夜叩滋德殿求見帝令中使引升殿近燭視著著大醉垂髮被面帝怒發前事黜之御史中丞洛陽劉溫叟等竝坐失於彈劾

奪兩月俸 丙戌天雄節度使符彥卿來朝帝欲使典  
兵趙普以爲彥卿名位已盛不可復委以兵柄屢諫不  
聽宣已出普復懷之請見曰惟陛下深思利害勿復悔  
帝曰卿苦疑彥卿何也朕待彥卿至厚彥卿豈能負朕  
普曰陛下何以能負周世宗帝默然事遂中止 高繼  
沖自以年幼未能民事刑政賦役委節度判官孫光憲  
軍旅調度委衙內指揮使梁廷嗣謂曰使事事得中人  
無閒言吾何憂也李處耘至襄州先遣問門使臨洛丁  
德裕諭繼沖以假道之意請薪水給軍繼沖與其僚佐  
謀以民庶恐懼爲詞願供芻餼百里外處耘又遣德裕

往光憲及延嗣請許之兵馬副使李景威說繼沖曰王師雖假道以收湖湘恐因而襲我願假兵三千設伏荆門險隘處候其夜行發伏攻其上將王師必自退卻回軍收張文表以獻於朝廷則公之功業大矣不然且有搖尾乞食之禍繼沖不聽曰吾家累歲奉朝廷必無此事孫光憲曰景威峽江一民耳安識勝敗且中國自周世宗時已有混一天下之志宋興凡所措置規模益宏遠今伐文表如以山厭卵爾湖湘旣平豈有復假道而去邪不若早以疆土歸朝廷則荆楚免禍公亦不失富貴繼沖以爲然景威知計不行而嘆曰大事去矣何用

生爲因扼吭而死景威歸州人也繼沖遣延嗣與其叔  
父保寅奉牛酒來犒師且覘師之所爲壬辰師至荊門  
處耘見延嗣等待之有加延嗣喜馳使報繼沖以無虞  
荊門距江陵百餘里是夕延嗣召延嗣等宴飲于其帳  
處耘密遣輕騎數千倍道前進繼沖但俟保寅延嗣之  
還遽聞宋師奄至卽惶恐出迎遇處耘於江陵北十五  
里處耘揖繼沖令待延嗣而率親兵先入登北門比繼  
沖與延嗣俱還宋師已分據衝要布列街巷矣繼沖大  
懼江陵志餘云宋兵入城繼沖以  
輜覆井給內人人與多墮井死遂盡籍其三州十七  
縣十四萬二千三百戶奉表來歸 癸巳李處耘等益

發兵日夜趨朗州周保權懼召觀察判官臨桂李觀象  
謀之觀象曰文表已誅而王師不還必將盡取湖湘之  
地今高氏束手聽命屑齒既亡朗州勢不獨全莫若幅  
巾歸朝幸不失富貴保權將從之指揮使張崇富等

崇富宋史作從  
富今從長編

不可乃相與爲拒守計

庚子荆南表

至帝復命高繼沖爲荆南節度使遣樞密承旨王仁贍  
赴荆南巡檢帝聞李景威之謀曰忠臣也命仁贍厚卹  
其家帝遣使諭周保權及將校言大軍旣拯爾難何爲  
反拒王師自取塗炭保權不答遂進討之慕容延釗大  
破其軍於三江口遂取岳州

或選宋史本紀作三月戊寅下岳州東都事畧亦云

三月克岳州惟長編繫于二月之末蓋以十國紀年爲據也今從之長編又引解暉傳云僞統軍使黃從志以岳州拒命暉率舟師討平之生擒從志及僞將校十四人蓋卽三江之捷暉時爲戰棹都指揮使也今附見

是月權知貢舉浚儀薛居正奏進士蘇德祥等合格者八人 遼主如潢河觀羣臣射賜物有差 三月張崇富等出軍澧州南與宋師遇未及戰望風先潰李處耘逐北至敖山寨賊棄寨走俘獲甚眾處耘擇所俘體肥者數十人令左右啗之黥其少壯者縱歸武陵武陵人聞擒者爲宋師嚮會俱大恐縱火焚州城奔竄山谷壬戌慕容延釗等入朗州擒崇富於西山下梟其首大將汪端劫周保權匿江南岸僧舍處耘遣麾下將田守

奇捕之端棄保權走守奇獲保權以歸湖南平凡得州  
十四監一縣六十六戶九萬七千二百八十八庚午命  
戶部侍郎呂餘慶權知潭州 癸酉吏部尙書張昭等  
詳定五刑之制凡流刑四徒杖笞刑各五 令州縣復  
置義倉官所收二稅每石別輸一斗貯之以備凶儉  
夏四月甲申減荆南潭朗州死罪囚流以下釋之配役  
人放還罰三年以前逋稅及場院課利 乙酉始置諸  
州通判凡軍民之政皆統治之事得專達與長吏均禮  
大州或置二員又令節鎮所領支郡皆直隸京師得自  
奏事不屬諸藩於是節度使之權益輕用趙普之言也

遣給事中饒陽李昉祭南岳尋命權知衡州 丁亥  
幸國子監遂幸武成王廟宴射玉津園庚寅出內府錢  
募諸軍子弟數千人鑿池於朱明門外引蔡水注之造  
樓船百艘選卒號水虎捷習戰池中 辛卯王處訥上  
新定建隆應天歷帝製序頒行之 丙申兵部郎中監  
泰州稅曹匪躬棄市海陵鹽城兩監屯田副使張藹除  
名竝坐令人齎輕貨往江南兩浙販易故也 戊戌符  
彥卿解歸鎮 庚子以華州團練使大城張暉爲鳳州  
團練使兼西面行營巡檢壕寨使暉前在華州治有善  
狀帝旣誅李筠將事河東召暉入覲問以策暉曰澤潞

瘡痍未起軍旅荐興民不堪命當俟富庶後圖之帝慰勞遣還於是始謀伐蜀乃徙隲鳳州隲盡得其山川險易密疏進取之計帝覽之甚悅清源畱後張漢思年老不能治軍務事皆決于副使陳洪進漢思患其專乃設宴伏甲將殺之酒數行地忽大震同謀者懼以告洪進洪進亟出甲士皆散漢思由是嚴兵備洪進癸卯洪進袖大鎖常服安步入府中叱去直兵漢思方處內閣洪進卽鎖其門謂之曰軍吏以公耄荒請洪進知畱務眾情不可違當以印見授漢思錯遯不知所爲乃自門扇間投印與之洪進遽召將吏告之曰漢思不能爲政

授吾印矣將吏皆賀即日遣漢思外舍以兵守之遣使

請命於南唐南唐卽授以節鉞洪進又遣牙將魏仁濟

閒道奉表來告且請制命漢思退居數年以壽終

攷異東都

事畧云洪進叩頭請以印見授殊失實九國志云洪進遣使告南唐南唐卽以洪進爲清源節度使李勣曰李煜再上表乞寢洪進恩命安得僭除節度使也案陸游南唐書云泉州副使陳洪進廢張漢思自稱權知軍府來告國主卽以洪進爲節度使與九國志合事畧亦同是南唐實嘗授以節鉞矣

慕容延釗

言辰錦谿敘等州各奉牌印請命 甲辰詔重鑿砥柱

三門 禁涇原邠慶州不得補蕃人爲沿邊鎮將 乙

巳幸玉津園閱諸軍騎射 丙午以樞密直學士戶部

侍郎薛居正權知朗州 辛亥令諸州造輕車以給餽

運 五月壬子朔慕容延釗言南唐主遣使以牛酒來

犒師 己未鳳翔節度使王景卒贈太傅諡元靖 辛

酉命樞密直學士尚書左丞高防權知鳳翔府 甲子

高繼沖籍伶官一百四十三人來獻詔悉分賜諸大臣

乙丑命鐵騎都將李懷義內班都知趙仁瑗增修宮

闕既成帝坐寢殿中令洞開諸門皆端正通豁謂左右

曰此如我心小有邪曲人皆見之（攷選富弼三朝寶訓載在建隆三年正月

東都事畧又載在是年四月案宋史本紀云五月乙丑

廣火內卽是事也事畧又云規爲制度竝上指授蓋至

是始落成故帝坐殿中 而有是言爾今從長編 戊辰以工部侍郎須城艾穎  
爲戶部侍郎致仕帝命執政擇廷臣督在京諸倉穎與

焉穎自以清望官不宜親濁務辭不肯爲帝曰惟致仕乃可免耳穎遂請老蜀宰相李昊言於蜀主曰臣觀

宋氏啟運不類漢周天祚亂久矣一統海內其在此乎

若通職貢亦保安三蜀之長策也

（後蜀）十國春秋此語在建隆元年十一月

今從蜀主將發使知樞密院事王昭遠固止之乃以文

思使景處瑋等率兵屯峽路又遣使往涪瀘戎等州閱  
權手增置水軍六月乙酉詔免潭州諸縣無名配斂

壬辰以大暑罷京城營造賜工匠衫履遼主詔諸

路錄囚初帝幸武成王廟歷觀兩廊所畫名將以杖  
指白起曰起殺已降不武之甚何爲受享於此命去之

左拾遺知制誥高錫因上疏論王僧辯不克善終不宜  
在配享之列乃詔吏部尙書張昭工部尙書竇儀與錫  
別加裁定取功業始終無瑕者癸巳昭等議升漢灌嬰  
後漢耿純王霸祭遵班超晉王渾周訪宋沈慶之後魏  
李崇傳永北齊段韶後周李弼唐秦叔寶張公謹唐休  
璟渾瑊裴度李光顏李愬鄭畋梁葛從周後唐周德威  
符存審二十三人退魏吳起齊孫臏趙廉頗漢韓信彭  
越周亞夫後漢段紀明魏鄧艾晉陶侃蜀關羽張飛晉  
杜元凱北齊慕容紹宗梁王僧辯陳吳明徹隋楊素賀  
若弼史萬歲唐李光弼王孝傑張齊邱郭元振二十二

人詔塑齊相管仲像於堂畫魏西河太守吳起於廡下  
餘如昭等議乙未祕書郎直史館管城梁周翰上言曰  
凡名將悉皆人雄苟欲指瑕誰當無累一旦除去神位  
吹毛求異代之非投袂忿古人之惡似非允當臣心惑  
焉不報 詔荆南兵願歸農者聽官爲葺舍給賜耕牛  
種會 丙申令有司二歲一舉先代帝王祀典各以功  
臣配享高辛堯舜禹湯文武漢高祖皆因其故廟又別  
建漢世祖廟於南陽唐太宗廟於醴泉世祖以鄧禹吳  
漢賈復耿弇配太宗以長孫無忌房元齡杜如晦魏徵  
李靖配竝畫像廟壁 丁酉命王仁贍權知荆南軍府

事先是帝命典軍列校遙領湘南諸郡不踰歲果得其地辛丑復以龍捷左廂都指揮使岳州防禦使夏津馬仁瑀等爲漢彭等州防禦使 己酉命鎮國節度使宋延渥率禁旅數千習戰于新池帝數臨觀焉 庚戌命大理正奚嶼知館陶縣監察御史王祐知魏縣楊應夢知永濟縣屯田員外郎于繼微知臨濟縣常參官知縣自嶼等始也祐大名人時符彥卿久鎮大名專恣不法屬邑頗不治故特選彊壯者往蒞之其後右贊善大夫周渭亦知永濟彥卿郊迎渭揖於馬上就館始與彥卿相見略不降屈縣有盜傷人而逸渭捕獲暴其罪斬之

不以送府渭先爲白馬主簿縣大吏犯法渭卽斬之帝  
奇其才故擢右贊善大夫 秋七月甲寅以湖南死事  
靳彥朗男承勲等三十人補殿直 監修國史王溥上  
新修梁後唐晉漢周五代會要三十卷 安國節度使  
王全斌與洺州防禦使郭進趙州刺史陳萬通登州刺  
史高行本客省使曹彬等率兵攻北漢丁巳以俘獲來  
獻詔釋之彬靈壽人從母爲周太祖貴妃帝典宿衛尤  
器重彬彬非公事未嘗造門平居燕會亦罕與帝卽位  
自晉州都監召入見謂曰疇昔我親汝何故疏我彬頓  
首謝曰臣周室近親列職禁庭敢交結尊貴帝益嘉獎

焉 戊午頒量衡於澧朗諸州懲割據厚斂之弊也

唐鄧之俗家有病者雖父母亦棄去故病者輒死武勝  
軍節度使張永德以爲言己未詔禁之 丁卯幸武成

王廟遂幸新池觀習水戰 己巳權知朗州薛居正言

汪端以數萬人寇州城都監尹重睿擊走之 賜荆南

管內民今年夏租之半 甲戌周保權詣闕待罪詔釋

之以爲右千牛衛上將軍 乙亥命增築朗州城浚其

壕賜管內民今年夏租 己卯判大理寺事實儀等上

重定刑統等書詔刊板摹印頒天下儀等參酌輕重時

稱詳允 北漢宿衛殿直行首王隱劉昭趙巒等謀叛

事覺被誅詞連樞密使段恆初北漢主嬖郭姬將立爲妃恆以其所出微諫止之又抑其昆弟親戚不用姬怨恆不助已譖成其罪出爲汾州刺史尋縕殺之恆有幹才勤於其職死不以罪遼主聞之爲之不平北漢以趙宏爲樞密使以郭無爲爲左僕射兼中書侍郎平章事無爲與宏不協旋出宏爲汾州刺史無爲兼樞密使軍國之務一以委焉無爲又譖宏在汾州不治徙嵐州

八月庚辰朔詔以冬至有事於南郊旣而有司言冬至乃十一月晦前一日皇帝始郊不應近晦請改用十六

日甲子詔可

攷異李燾曰乾德元年初郊有司以冬至迫近晦日請用十一月十六日甲子案章

得象所編三朝會要初不及此而王珪等所編五朝會要始載近晦事蓋五朝會要得之於姚闢所修太常因革禮所載實得之宋  
敬求春明退朝錄云  
二

壬午殿前都虞候嘉州防禦使館陶張瓊自般時軍校史珪石漢卿等方得幸瓊數輕侮之漢卿因譖瓊眷部曲百餘人自作威福且毀皇弟光義爲殿前都虞候時事帝召瓊面訊之瓊不伏帝怒令擊之漢卿卽奮鐵槌擊其首氣垂絕乃曳出下御史府案鞠瓊自般帝旋聞其家無餘財止有奴三人甚悔之責漢卿曰汝言瓊部曲百人今安在漢卿曰瓊所養者一敵百耳帝亟命優卹瓊家然亦不罪漢卿  
先是龍捷左廂都指揮使馬仁瑀常私以士屬知貢舉薛居

正居正實不許而陽諾之榜出無其人及聞喜宴日仁瑀乘醉攜所屬士嫚罵居正御史中丞劉溫安劾奏仁瑀帝曲爲容忍龍捷左廂都指揮使王繼勳皇后母弟也挾勢驕倨多陵蔑將帥仁瑀獨與抗相忿爭輒攘臂欲毆繼勳繼勳憚其勇頗爲屈而怨隙愈深於是受詔都試郊外兩人因欲相圖陰勒所部兵私市白梃帝微聞其事卽詔罷講武甲申出仁瑀爲密州防禦使置繼勳不問以秦州團練使潘美爲潭州防禦使南漢人數寇桂陽及江華美擊走之谿洞蠻獠自唐末之亂不供王賦頗恣侵掠爲居民患美帥兵深入窮其巢穴斬

首百餘級餘黨散潰美悉令招誘貸其罪以已俸市牛酒宴犒賜金帛撫慰之夷落遂定 甲申遼主以生日

縱五坊鷹鵠 先是北漢遣使告於遼欲巡邊徵乞張

聲援丁亥王全斌復與郭進曹彬等帥師攻北漢樂平

縣降其拱衛指揮使王超等北漢將蔚進郝貴超悉蕃

漢兵來救三戰皆敗之遂下樂平即建爲平晉軍（或累）

志云郝貴超被擒案貴超明年復戰遼州以爲被擒者誤也今從長編平晉軍一作樂平軍今從宋史

壬辰詔九經舉人落第者宜依諸科舉人例許再試

癸巳女真遣使貢名馬 丙申北漢靜陽等十八寨首

領相帥來降 泉州陳洪進遣使來貢 齊州河決

戊戌遼主如近山呼鹿射之旬有七日而後返 己亥

遼幽州岐溝關使柴庭翰等來降 丁未戶部侍郎呂

餘慶丁母憂時餘慶權知襄州詔遣中使護喪官給葬

具尋起復 詔謁登州沙門島居民租賦令專治舟渡

女真所貢馬 是月南唐以吏部尚書建安游簡言知

尚書省事尋遷右僕射 九月庚戌朔戶部判官水陸

轉運使滕白免官以軍儲損敗也 遼主以青牛白馬

祭天地飲於野次終夕乃罷翼日以酒脯祭天地復終

夜酣飲 甲寅羣臣三上表請加尊號曰應天廣運聖

文神武從之

攷異宋史本紀作大聖神武長編作仁聖文武惟東都事略作聖文神武錢辛楣曰

開寶六年修周武王廟碑所載  
尊號與事略同石刻爲可據矣

高麗國王王昭遣使

時贊等入貢涉海值大風溺死者九十餘人贊僅而獲  
免詔勞卹之 詔開封府選樂工八百三十人權隸太  
常寺習樂將行郊祀禮也 詔諸州府長吏禁以僕從  
人干預政事 丙寅大宴廣政殿始用樂 丁卯宣徽  
南院使兼樞密副使李處耘責授淄州刺史處耘以近  
臣護軍臨事專斷與慕容延釗不協要相論奏帝以延  
釗宿將赦其過止罪處耘亦恐懼不敢自明 戊  
辰女眞復貢名馬 丙子詔朝臣無得公薦貢舉人故  
事每歲知貢舉官將赴貢院臺閣近臣得薦抱才藝者

號曰公薦然去取不能無所私至是禁之 慕容延釗  
獲汪端磔於朗州市端初攻州城不克與其黨聚山澤  
爲盜監軍使疑城中僧千餘人謀應端悉捕繫欲誅之  
薛居正以計緩其事及端被禽詰之僧無與謀者皆得  
全活 是月北漢主誘遼兵攻平晉軍郭進張彥進曹  
彬陳萬通領步騎往救之未至一舍北漢引兵去 冬  
十月癸未令襄州盡索湖南行營諸軍所掠生口遣吏  
分送其家放潭邵州鄉兵數千人歸農減江陵府民舊  
租之半 丁未吳越王遣其子惟濬入貢助南郊 翰  
林學士中書舍人扈蒙以僕夫扈繼遠爲從子屬之同

年生淮南轉運使仇華使釐務繼遠盜官鹽事發戊申  
蒙坐奪金紫黜爲左贊善大夫 魏仁濟以陳洪進表  
至洪進自稱清源節度副使權知泉南等州聽命於朝  
帝遣通事舍人王班齎詔撫諭之 十一月丁巳賜南  
唐主詔具言所以納洪進之意且將授旄鉞也 癸亥  
饗太廟是夕陰晦至夜分開霽帝初詣太廟乘玉輅左  
諫議大夫崔頌攝太僕問儀仗名物甚悉頌應對詳敏  
帝大悅甲子合祭天地於南郊以宣祖配還御明德門  
大赦改元乾德羣臣奉冊上尊號於崇政殿先是帝謂  
大禮使范質曰中原多故百有餘年禮樂儀制不絕如

綏今幸時和歲豐克舉禋祀報神資乎備物卿與五使  
空講求遺逸遵行典故無或廢堅副朕寅恭之意於是  
質與陶穀張昭等討尋故事詳定新制曰南郊行禮圖  
又令司天監定從祀星辰圖上之又言享廟郊天從祀  
羣臣合前七日受誓戒於尙書省今併於一日受之有  
虧誠愆望令分日各誓百官竝從之將升壇有司具黃  
褥爲道帝曰朕潔誠事天不必如此命撤之還宮將駕  
金輅顧左右曰於典故可乘輦初有司議配享請以僖  
祖升配張昭獻議曰隋唐以前雖追立四廟或立七廟  
而無徧加帝號之文梁陳南郊祀天皆配以皇考北齊

園丘祀昊天以神武升配隋祀昊天於園丘以皇考配  
唐貞觀初以高祖配園丘梁太祖郊天以皇考烈祖配  
恭惟宣祖積累勲伐肇基王業伏請奉以配饗從之  
丙寅南唐主遣使來助祭南郊及賀冊尊號 丁卯詔  
防禦團練刺史州舊有都督府號者竝停仍爲上州  
庚午遼主出獵飲於虞人家凡四日 壬申以南郊  
禮成大宴廣德殿號曰飲福宴自是爲例 帝謂宰相  
曰北門滾殿當擇一里士處之范質曰竇儀清介謹厚  
然在前朝已自翰林遷 明今又爲兵部尙書難於復  
召帝曰禁中非此人不可 諭朕意勉再赴職癸酉

復命儀爲翰林學士

（攷異）薛氏續通鑑載此事於建隆元年今據學士年表儀以兵部尚

書拜翰林學士在乾德元年十月長編載於是年十一月蓋被命在十月而入院在十一月今從之帝嘗

召儀草制至苑門儀見帝岸幘跣足坐卻立不進帝爲之冠帶而後召入儀曰陛下創業垂統宜以禮示天下帝改容謝之自是對近臣未嘗不冠帶 十二月庚辰

殿前轍祇候李璘以父讎被寮員陳友於市璘自首帝壯而釋之 辛巳進羣臣階勲爵邑有差司徒兼侍中

蕭國公范質改封魯國公 荆南節度使高繼沖表乞

陪祀許之因舉族歸朝癸未改命繼沖爲武寧節度使

甲申皇后王氏崩翰林醫官王守愚坐進藥不精審

滅死流海島

戊子遼主射野鹿賜虞人物有差 己

亥以殿前侍御史鄭起爲西河令顯德末起爲殿中侍御史見帝握禁兵有人望乃貽書范質極言其事質不聽嘗遇帝於路橫絕前導而過帝初不問於是出掌泗州市征時刺史張延範官檢校司徒起輒呼以太保起貧常乘騾一日從延範出近郊延範揖起行馬起曰此騾也安用過呼延範滾街之密奏起嗜酒廢職遂左遷右拾遺浦城楊徽之亦嘗言於世宗以帝有人望不安典禁兵帝卽位將因事誅之光義曰此周室忠臣也不宜浚罪於是亦出爲天興令 庚子尙書左丞高防卒

於鳳翔帝甚悼憐之遣供奉官陳彥珣部署歸葬西洛  
凡所費用竝從官給防性淳厚守禮法所踐歷皆有能  
名 乙巳南唐主上表乞呼名詔不允 禁道州調民  
取朱砂除衡岳州二稅外所賦米并毋得發民烹銅鉛  
及作炭 遣內客省使曹彬通事舍人王繼筠分詣晉  
潞州與節度使趙彥徽李繼勲會兵入北漢境收其邊  
邑及遼石州 閏月乙卯山南東道節度使慕容延釗  
卒贈中書令追封河南郡王帝雅與延釗善常兄事之  
及卽位猶呼爲兄延釗寢疾帝自封藥以賜聞其卒哭  
之慟禮官言爲近臣發哀哭聲宜有常帝曰吾不知哀

之所從出也 龍捷軍校王明詣闕獻陳圖請討幽州

帝嘉之賜以錦袍銀帶錢十萬

（按異）宋史王明傳大名成安人宋初爲武寧軍

節度掌書記乾德初召爲左拾遺未嘗爲軍校亦無請討幽州事此當別是一人

或言帝將北

征大發民餽運河南民相驚逃亡者四萬家帝憂之丙

寅命樞密直學士薛居正馳傳招集險句乃復故 初

宣祖葬安陵在京城東南隅辛未命司天監浚儀趙修

己內客省使王仁贍等改卜安陵於西京鞏縣之鄧封

鄉 乙亥詔乘輿所服冠冕去珠玉之飾 永安節度

使折德展敗北漢軍數千人於府州城下獲其衛州刺

史楊璘 國子博士哥崇義上言皇家以火德上承正

統請奉赤帝爲感生帝每歲正月別尊而祭之爲壇於南郊奉宣祖升配常以正月上辛奉祀 初北漢主嗣位所以事遼者多略不如舊時於是遼主遣使責之曰爾不稟我命其罪三擅改年號一也助李筠有所覬覦二也殺段恆三也北漢主恐懼遣從子劉繼文往謝曰父爲子隱願赦之遼執其使而不報北漢地狹產薄又歲輸於遼故國用日削乃拜五臺僧繼容爲鴻臚卿繼容故燕王劉守光之孽子爲浮屠居五臺山能講華嚴經四方供施多積蓄以佐國用五臺近遼界常得其馬以獻號添都馬歲率數百匹又於栢谷置銀冶募民鑿

山取礦烹銀北漢取其銀以輸遼歲千斤因卽其治建寶興軍

二年

遼應歷十四年

春正月辛巳大雨雪震雹

詔諸州長吏

勸課農田

甲申帝以選人貪貧者眾詔吏部流內銓

聽四時參選仍命翰林學士承旨陶穀等與本司官重詳定循資格及四時參選條 宰相范質王溥魏仁浦等再表求退戊子以質爲太子太傅溥爲太子太保仁浦爲左僕射皆罷政事質在相位下制敕未嘗破律命刺史縣令必以戶口版籍爲急使者案民田及獄訟皆召見爲述天子憂勤之意乃遣之時號賢相 庚寅以

樞密使趙普爲門下侍郎平章事集賢院大學士宣徽  
北院使判三司上黨李崇矩爲檢校太尉充樞密使帝  
旣除普及崇矩乃無宰相署敕帝時在資福殿普因入  
奏其事帝曰卿但進敕朕爲卿署字可乎普曰此有司  
所行非帝王事也乃使問翰林學士求故實陶穀建議  
以爲自古輔相未嘗虛位惟唐大和中文宗甘露事後數日  
無宰相時左僕射令狐楚等奉行制書今尙書亦南省  
長官可以署敕寶儀曰穀所陳非承平令典不足援據  
今皇弟開封尹同平章事卽宰相任也帝從儀言 壬  
辰詔曰先所置賢良方正能直言極諫經學優淹可爲

師法詳嫻吏理達於教化等三科竝委州府解送吏部  
試論三道限三千字以上而自曩及今未有應者得非  
抱侗儻者恥肩於常調懷讜直者難效於有司必欲興  
自朕躬乎繼今不限內外職官前資見任布衣黃衣竝  
許詣閣門進狀朕親試焉 己亥以樞密承旨王仁瞻  
爲左衛大將軍充樞密副使 庚子改清源軍爲平海  
軍命陳洪進爲節度使洪進每歲貢奉多厚斂於民又  
籍民資百萬以上者令入錢補協律奉禮郎而調其丁  
役子弟親戚交通賄賂二州之民甚苦之 壬寅敕趙  
普監修國史 丁未詔縣令簿尉非公事毋至邨落

李繼勲等攻北漢遼州北漢告急於遼二月戊申朔遼

州刺史杜延霸舉城降王子遼主遣西南面招討使耶

律達里

舊作捷烈今改

率六萬騎援北漢敗繼勲兵於石州達

里用兵賞罰信明得士卒心河東單弱不遽見吞併者

達里有力焉先是遼主知達里沈厚多智有任重才卽

位初卽擢南院大王達里在治所不修邊幅均賦役勸

耕稼戶口豐殖時耶律烏珍爲北院大王與達里俱有

政迹朝議以爲富民大王故遼主雖暴虐而境內粗安

癸丑遣使賑陝州饑命右武統軍陳承昭帥丁夫

數千鑿渠自長社引潁水至京合閼河渠成民無水患

閔河之漕益通流焉 吏部尙書張昭與翰林學士陶  
穀同掌選穀與給事中李昉有隙乃誣奏左諫議大夫  
崔頌以所親屬昉求爲東畿令引昭爲證帝召昭質之  
昭不直穀所爲遽免冠抗聲言穀罔上帝不悅三月丁  
丑朔昉責授彰武行軍司馬頌爲休大行軍司馬昭遂  
三上章請老乙酉聽其致仕 權知貢舉陶穀奏進士  
李景陽等合格者八人 乙未北漢耀州團練使周審  
玉等來降審玉賜名承璿以爲左千牛衛大將軍領汾  
州團練使 辛丑 明憲皇太后諡曰昭憲諡皇后  
賀氏曰孝惠王氏曰孝明 初南唐廢永通大錢要用

韓熙載之議鑄當二鐵錢熙載由中書舍人遷戶部侍郎充鑄錢使宰相嚴續數言鐵錢不便熙載爭於朝堂聲色俱厲左遷祕書監不逾年復拜吏部侍郎是月始用鐵鑄擢熙載兵部尙書勤政殿學士民間多藏匿舊錢舊錢益少商賈出境輒以鐵錢十易銅錢一官不能禁因從其便官吏皆增俸而以鐵錢兼之由是物價益貴熙載頗亦自悔

續資治通鑑卷第三